

दिनांक 24.08.2025

समय: 18.45 बजे

आकाशवाणी जयपुर-अजमेर
प्रादेशिक समाचार

व प्रदेश रा पूर्वी अर दक्षिणी हलकां मांय मूसलाधार बरसात रे पाछे राहत अर बचाव कार्य जारी-कोटा मांय आज बिरखा थमणे सूं स्थिति मांय सुधार व्हीयों

व केन्द्रीय मंत्री हरदीप सिंह पुरी कयो-पचपदरा रिफाइनरी सूं राजस्थान रे विकास ने नुवा आयाम मिलेलां

व गृहमंत्री अमित शाह कयो के आज्ञादी रे पाछे देश ने लोकतांत्रिक तरीके सूं चलाणो खास जिम्मेदारी- अखिल भारतीय स्पीकर सम्मेलन रो उद्घाटन करयों

व फिट इंडिया मिशन रे तैत आज राजस्थान पुलिस "संडेज ऑन साइकिल" अभियान राख्यो-17 हजार सूं बत्ती लोगां भाग लियों

0000

प्रदेश रा पूर्वी अर दक्षिणी खेतरां समेत न्यारा-न्यारा हलकां मांय मूसलाधार बिरखा रो दौर बण्योडो हैं कोटा संभाग रे जिलां मांय लारले तीन दिनां सूं जारी भारी बरसात सूं जनजीवन अस्त-व्यस्त व्हे ग्यो हैं राजधानी जयपुर साथे दौसा, अलवर, सवाईमाधोपुर, सीकर अर टोंक जिलां मांय भी तेज बिरखा रो सिलसिलो बण्योडो हैं मौसम महकमा रे मुजब लारला चौबीस घंटा मांय सब सूं बत्ती 29 सेंटीमीटर बिरखा दौसा मांय दर्ज व्हीं वठी ने करौली रे सपोटरा अर जयपुर रे चौमूं मांय 17-17, गंगापुर, जमवारामगढ मांय 13-13 अर मकराना अर नावां मांय 11-11 सेंटीमीटर पाणी बरस्यो कोटा मांय लारला तीन दिनां सूं जारी लगोतार बिरखा रे पाछे आज धूप निकलने सूं लोगां ने थोड़ी राहत मिलीं म्हाणा खबरनवीस बतायो के कोटा बैराज रा दो गेट खोल र बेसी पाणी री निकासी करी जा री हैं

.....

सवाईमाधोपुर मांय अतिवृष्टि रे पाछे जलभराव वाळा इळाकां मांय राहत अर बचाव काम जारी हैं वठी ने एनडीआरएफ अर एसडीआरएफ साथे सेना री मदद ली जा री हैं जिला कलेक्टर कानाराम आकाशवाणी ने बतायो कि प्रभावित लोगां रे खाणे अर रेहणे री व्यवस्था करीजी हैं जिला कलेक्टर लोगां सूं एहतियात बरतणे री अरज करी हैं

.....

शेखावाटी खेतर रा जिला मांय भी बिरखा रो दौर बण्योडो हैं चोखी बिरखा सूं झुन्झुनू रा उदयपुरवाटी रो कोट बांध दो साल पाछे ओवर फ्लो हो ग्यो चूरू मांय आज एक घंटे सूं बत्ती बखत ताई व्ही मूसलाधारा बरसात सूं नीचला हलकां मांय पाणी भर ग्यो इण सूं केई गेला रुक ग्यां माउंट आबू मांय हो री झमाझम बरसात सूं घाटियां मांय कोहरो छा ग्यो भरतपुर, डीग अर आसे-पासे रे हलका मांय बरसात रो दौर अजे भी जारी हैं बयाना री गंभीर नदी मांय पाणी आ जाणे सूं खेतर अलर्ट घोषित कर्यो हैं वठे लोगां सूं जलभराव रा खेतर सूं दूरी बणाये राखणे री अरज करी जा री हैं वठी ने राजधानी जयपुर मांय बीत्या दो-तीन दिनां सूं जारी बिरखा ने देखता व्हा जिला कलेक्टर कल अर परसों स्कूलां मांय पढेसरियां रो छुट्टी रो ऐलाण कर्यो हैं

बिरखा री आशंका रे चालता एहतियातन शहर रा किशनबाग अर स्वर्ण जयंती पार्क समेत कुछेक पार्क मांय लोगां रो प्रवेश बंद कर्यो गयो हैं जिला प्रशासन आमेर महल जावण वाळा गेला माथे फिसलन ने देखता व्ह्या हाथी सवारी माथे भी रोक लगा दी हैं भीलवाड़ा अर नागौर मांय भी स्कूलां मांय काले री छुट्टी राखीज्यीं इण बीचे, मौसम महकमो आज जयपुर, भरतपुर, बीकानेर अर अजमेर सांभग अर शेखवाटी खेतर मांय कुछेक ठोडां माथे भारी सूं और भारी बिरखा री आस जताई हैं आवता तीन-चार दिनां बरसात री आ ई स्थिति बण्योडी रेहणे री आस हैं

000

केन्द्रीय पेट्रोलियम मंत्री हरदीप सिंह पुरी कयो है कि पचपदरा मांय रिफाइनरी सूं राजस्थान रे विकास ने नुवो आयाम मिलेलां वणा बतायो कि रिफाइनरी सूं इण बरस रे आखिर ताई उत्पादन सुरू हो जावेलां केन्द्रीय मंत्री मुख्यमंत्री भजनलाल शर्मा रे साथे बालोतरा रा पचपदरा रिफाइनरी रो दौरा कर निर्माण कार्या री प्रगति री समीक्षा ली अर कंट्रोल रूम रो उद्घाटन कर्यो पत्रकारां सूं बणतळ मांय केन्द्रीय मंत्री कयो कि **एच पी सी एल** तेज गति सूं रिफाइनरी रे सगळा कामां ने बखत माथे पूरो करणे मांय जुट्यो हैं

.....

000

बीकानेर ने वंदे भारत ट्रेन री सौगात रे साथे-साथे रेलवे ट्रैक दोहरीकरण रे कामां ने मंजूरी रे पाछे आज केंद्रीय कानून मंत्री अर्जुनराम मेघवाल बीकानेर पहुंच्यां बीकानेर आवण माथे भाजपा पदाधिकारी स्वागत कर्यो इण मौके माथे खबरनवीसां सूं बणतळ मांय केन्द्रीय मंत्री कयो के इण रो श्रेय प्रधानमंत्री नरेन्द्र मोदी अर रेलमंत्री अश्विनी वैष्णव ने मिलणो चाहिजे श्री मेघवाल बतायो कि आवती 26 तारीख ने प्रदेश रा न्यारा न्यारा मुद्दां सूं जुड़योडी एक खास बैठक मुख्यमंत्री स्तर माथे राखीज्यी हैं इण मांय विकास अर विरासत मांय समन्वय माथे चर्चा व्हेलां

.....

000

राज्य सरकार माथे हालिया दिनां मांय कांग्रेस पार्टी कानी सूं न्यारा न्यारा मुद्दां ने लेर उठाया गया सवालां माथे आज भारतीय जनता पार्टी जयपुर मांय प्रेस वार्ता कर जवाब दियो पार्टी रा आला नेता राजेन्द्र राठौड़ पैल्या आळी गहलोत सरकार ने घेरता थकां पेपरलीक प्रकरण, छात्रसंघ चुनाव स्थगन, स्थानीय निकाय चुनाव अर स्मार्ट मीटर माथे आपरो पक्ष रख्यो श्री राठौड़ लारली कांग्रेस सरकार माथे प्रदेश री जनता सूं छल करणे रो आरोप मांड्यो

.....

000

गृहमंत्री अमित शाह आज नई दिल्ली मांय अखिल भारतीय स्पीकर सम्मेलन रो दिल्ली विधानसभा मांय उद्घाटन कर्यो दो दिनां रो ओ सम्मेलन केंद्रीय विधानसभा रे पहले निर्वाचित अध्यक्ष विठ्ठलभाई पटेल रे शताब्दी बरस रे मौके माथे राख्यो गयो हैं श्री शाह कह्यो कि देश री स्वतंत्रता री ही तरह, आजादी रे पाछे देश ने लोकतांत्रिक तरीके सूं चलाणो भी उक्तो ही खास हैं वणा कयो कि सदन री गरिमा अर अध्यक्ष पद रो सम्मान बधाणे री दिशा मांय काम करणे री जरूरत हैं

.....

इण आयोजन मांय राज्य विधानसभावां रा अध्यक्ष, उपाध्यक्ष अर राज्य विधान परिषदां रा सभापति अर उप-सभापति भी भेळा व्ह्या हैं दो दिनां रे इण कार्यक्रम मांय पीठासीन अधिकारी ने आपरा अनुभव अर सर्वोत्तम कार्यशैलियां ने साझा करणे अर विधानमंडलां रे कामकाज रा नुवा तौर-तरीका तलाशणे रा मौका मिलेलां

000

फिट इंडिया मिशन रे तैत आज राजस्थान पुलिस राज्यव्यापी **संडेज ऑन साइकिल** अभियान राख्यो गयो इण मांय पुलिस अधिकारी, कर्मचारी अर आम नागरिकां समेत 17 हजार सूं बत्ती लोगां भाग लियो अभियान रो लगस लोगां ने **फिटनेस री डोज-आधे घंटे रोज** रो संदेश देणो हों ओ कार्यक्रम **फिट इण्डिया मूवमेंट** रो एक हिस्सा हों **खेलो इण्डिया** पहल रे विस्तार रे तौर माथे न्यारा न्यारा जिलां मुख्यालया अर पुलिस इकाइयां मांय व्हीया इण आयोजन मांय साइकिलिंग रे साथे केई फिटनेस

गतिविधियां राखी ज्यीं सरहदी जिला श्रीगंगानगर मांय व्ह्या कार्यक्रम मांय पुलिस जवानां रे साथे एनसीसी केडेट्स अर स्कूली टाबर भेळा व्ह्यां पाली रा पुलिस थाणा मांय भी उच्छास रे साथे अहलकारां फिटनेस कार्यक्रम मांय हिस्सो लियों बाड़मेर मांय दौड़ रे पाछे नशा मुक्ति री शपथ दिलाई ज्यीं वठी ने भीलवाड़ा मांय **फिटनेस की डोज़, आधे घंटे रोज़** रे स्लोगन साथे लोगां ने जागरूक कर्यों सवाईमाधोपुर, सिरौही अर दूजा जिलां मांय भी अभियान रे तैत कार्यक्रम राख्या गयां

000

जैसलमेर रा रामदेवरा मांय प्रसिद्ध लोकदेवता बाबा रामदेव रो सालाना मेळो काले सूं सरू व्हे रियो हैं मेळा मांय हिस्सो लेवण खातिर राजस्थान समेत देश रे कोणे-कोणे सूं घणी तादाद मांय जातरू पहुंच रिया हैं म्हाणा खबरनवीस बतायो कि बाबा रे जयकारां साथे ध्वजा चढ़ाणे ने लेर लोगां रो उच्छास देखते ही बण रियो हैं

.....

000

डीग मांय चाल री श्री जवाहर प्रदर्शनी अर बृज यात्रा मेळा मांय आज कुश्ती दंगल रो आयोजन व्ह्यां इण मांय प्रदेश रे साथे बाहरी राज्यां सूं आया पहलवान आपरो दमखम दिखायों दंगल देखणे घणी तादाद मांय आमजन अर जनप्रतिनिधि भी मौजूद रियां

000

उपमुख्यमंत्री दीया कुमारी कहयो है के राज्य री अर्थव्यवस्था साढे तीन सौ बिलियन डॉलर रे कानी आगे बध री है अर इण मांय औद्योगिक विकास अर रोजगार रो बड़ो योगदान रेहवेलां आज जयपुर रा माचेड़ा थापित आतिश मार्केट मांय लोहा मंडी रो शिलान्यास करता थकां वणा कयो कि विकसित राजस्थान री परिकल्पना मांय व्यापारियां अर उद्योग जगत री महती भूमिका हैं साढे पांच सौ बीघा जमीं माथे बणाया जावण वाळी ई लोहा मंडी मांय हार्डवेयर, सैनिटरी अर इलेक्ट्रिकल उद्योग सूं जुड़योडा एक ही ठोड़ माथे वाजिव दाम माथे मिल सकेलां

000

रक्षामंत्री राजनाथ सिंह कयो है कि भारत आपरे पहले मानवयुक्त अंतरिक्ष मिशन गगनयान खातिर पूरी तरह तियार हैं वणा कयो कि ओ महज तकनीकी उपलब्धि नी है, बल्कि आत्मनिर्भर भारत री दिशा मांय एक नुवो अध्याय हैं श्री सिंह आज गगन यान मांय भेळा होवण वाळा जातरियां खातर राखी ज्या सम्मान जळसे मांय बोलता थकां कह रिया हां आ जातरियां मांय ग्रुप कैप्टन शुभांशु शुक्ला, प्रशांत बालकृष्णन नायर, अजीत कृष्णन अर अंगद प्रताप भेळा हैं रक्षा मंत्री कहयो कि भारत केवल उपग्रह अंतरिक्ष मांय नी भेज रियो है, बल्कि भारत ने अंतरिक्ष रा हलका मांय पूरी दुनिया ने आपरी ताकत दिखाई हैं श्री सिंह कहयो कि भारत खातिर अंतरिक्ष केवल अनुसंधान रो विषय नी है, बल्कि ओ अर्थव्यवस्था, सुरक्षा, ऊर्जा अर मानवता रे भविष्य सूं भी जुड़योडो हैं

000